

四庫全書

史部

欽定四庫全書考證

史部

卷四
十六

纂修官候補司業臣王太岳

臣曹錫寶

臚錄拔貢生臣周愛蓮

欽定四庫全書考證

卷四十六

文部

經義考上

經義考上

翰林院檢討朱彝尊編

卷四

周易葉適曰夫闢睢鵲巢明指義類自家刑國刊本刑訛刊今改

俞琰曰何為覆體屯倒轉為解需倒轉為訟之類是也刊本解訛蒙據周易改

卷五

竹書易經太康元年汲郡人不準發魏襄王墓刊本沿房喬晉書之訛元作二據杜預左傳後序及注所引

王隱晉書改

卷六

易林變占程迥曰漢天水焦延壽傳易於孟喜案通考載此條作晁公武語讀書志亦同此誤

卷七

易傳積算法雜占條例胡一桂曰京氏易以八宮卦為序分上中下三卷首坤宮八卦注坤注坤復臨泰大壯夬需比刊本復訛履需訛師據周易改

段氏易傳顏師古漢書注嘉即京房所從受易者也案

漢書儒林傳京房受易於焦延壽授於東海段嘉此
從受二字沿顏注之訛

卷九

鄭氏周易注後漢書康成又著六藝論毛詩譜駁云云
案後漢書康成傳著下有天文七政論魯禮禘祫義
此脫

九家易解陸德明曰荀爽九家集注十卷不知何人所
集刊本所集二字互倒據經典序錄改

卷十

王氏易傳王朗著易春秋孝經周官傳咸傳於世案魏志王朗傳周官傳下有奏議論記四字此脫

卷十一

張氏周易集解陸德明曰璠作集解十二卷集鍾會向秀荀煇云云刊本煇訛煇據魏志及經典序錄改徐氏易易音晉書徐邈撰正五經音訓學者宗之遷中書侍郎刊本遷訛遷據晉書改

卷十二

元帝周易講疏南史元帝著周易講疏十卷刊本著訛

注據南史及梁書改

卷十三

盧氏周易注魏書盧景裕注周易尚書孝經論語禮記
老子其毛詩春秋左氏傳未訖刊本脫春秋二字
又齊文襄王令景裕解所著易時有問難或相詆呵
而景裕神采儼然風調如一刊本調訛誦並據魏書
增改

卷十四

孔氏等周易正義崇文總目端拱初國子祭酒孔維等

奉詔是正案通考所引崇文總目祭酒作司業與此異

李氏周易集解朱睦㮮序曰自商瞿之後注易者百家刊本瞿訛瞿今改

卷十五

邢氏周易正義補闕又周易略例疏案通考及宋志並作周易正義補闕畧例疏此分作二書未知何據麻衣道者正易心法朱子曰假守南康始至有前湘陰主簿戴師愈者來謁刊本至訛知又見其几間有

所著雜書一編刊本所著二字互倒並據朱子文集改

卷十六

易數鉤隱圖宋志一卷案陳振孫書錄解題一卷作二卷與此異

孫氏周易析蘊十卷案通考及書錄解題十卷並作二卷此從玉海

卷十七

易證墜簡朱震曰明夷之象曰內文明而外柔順刊本

文明二字互倒今改

王氏周易言象外傳中興書目云以王弼傳為內摘其異者表而正之故云外也刊本異訛要據書錄解題改

皇甫氏易解晁公武曰泌又有紀師說辨道通為八卷案書錄解題師上無紀字辨道作明義與此異

卷十八

歐陽氏易童子問陳振孫曰說卦而下皆非聖人所作刊本所訛之據書錄解題改

卷十九

周子易通朱子跋曰茂叔自少即以學行有聞於世河南兩程夫子嘗受學焉然所以指夫仲尼顏子之學而發其吟風弄月之趣者亦不可得而悉聞矣案朱子文集學作樂與此異又顧自始讀以至於今歲月幾何倏焉二紀刊本二訛三據朱子文集改

鄭氏周易傳晁公武曰姚嗣宗謂劉牧之學受之吳秘秘受之晁刊本受訛授並據通考及讀書志改

呂氏周易古經大防自序曰予因案古文而正之刊本

而下複衍一而字今刪

尤袤與吳仁傑書曰古易一編朱元晦為之跋刊本晦
訛悔今改

陳振孫曰呂大防所錄上下經並錄爻辭及象彖刊本
爻訛繫又文曰說序雜卦各一卷刊本沿通考之
訛脫文雜二字並據書錄解題改增

卷二十

龔氏易傳案通考及書錄解題易傳並作易解義此從
宋史

邵氏周易辨惑宋史邵伯溫提點成都路刑獄刊本路訛府據宋史改

卷二十一

房氏周易義海陳振孫曰近時江都李衡彥平稍加刪削刊本都訛東據書錄解題及通考改

張氏葆光易解晁公武曰弼興化軍人紹聖二年黃裳等再薦之刊本聖訛興據讀書志改

林至曰張弼專用互體謂大傳二與四同功而異位當與五同功而異位此正論互體不知聖人為六位當

否而言而非為互體設也刊本脫上為字今增

董真卿曰張汝弼周易解義十卷紹聖二年章惇進其書刊本二訛三據讀書志及下文明一桂語改

卷二十二

張氏吳園易解董真卿曰吳園先生易解義九卷序論五卷又雜說泰論案書錄解題及通考皆云卷後有序論五篇有雜說泰論各一篇此處五卷為五篇之訛泰論下脫各一篇三字

周易疑問陳振孫曰直學士院李椿年仲永撰刊本脫

院字據書錄解題增

卷二十三

李氏讀易老人解說案宋志解說作易說書錄解題作詳說此從通考

尹氏易解胡銓序曰後出新進躡取卿相者踵相躡而尹侯官不偶刊本躡訛攝今改

卷二十四

郭氏傳家易說陳振孫曰中心所知者良止也刊本知訛止據書錄解題改

卷二十五

鄭氏易卦疑難圖陳振孫曰其書以六十四卦為圖各附以論說刊本以訛一據書錄解題改

晁氏易詁訓傳陳振孫曰其文義音讀之異者列之逐條曰同異考刊本列訛別據書錄解題改

卷二十六

張氏周易通變王應麟曰行成有述衍十八卷刊本述訛術據玉海改

卷二十八

古易占法陳振孫曰迴嘗從喻樗子才學登科案書錄
解題從下有玉泉二字登下有隆興癸未四字

卷二十九

楊氏誠齋易傳張時徹序曰宋朝取而藏之秘閣而不
頒布於天下刊本頒訛顛今改

曾氏大易粹言王應麟曰淳熙二年曾種哀程顥頤張
載游酢楊時郭忠孝邵雍七先生之說刊本脫邵字
據玉海增

卷三十一

著卦考誤陳振孫曰啟蒙之目曰本圖書原卦畫明著
策考變占凡四篇刊本策訛筮據朱子啟蒙改

馮氏厚齋易學中興藝文志云椅又改繫詞上下為說
卦上中以隋經籍志有說卦三卷云刊本卷訛篇據
通考及隋志改

卷三十二

葉氏周易述釋案書錄解題作述釋葉氏易說係葉適
門人袁聘儒撰蓋葉氏作易說袁氏述而釋之故云
述釋刊本訛脫

王氏童溪易傳宗傳自序曰天下同知本草誤誤人命而不知注易誤誤人心刊本脫注字據上文增

袁氏述釋葉氏易說陳振孫曰聘儒紹熙癸丑進士刊本脫癸丑二字據書錄解題增

卷三十三

李氏丙子學易編館閣續錄李心傳紹定四年特賜同進士出身案宋史作賜進士出身與此異

卷三十四

鄭氏易翼傳汝諧自序曰世之傳易者實不得乎精微

之旨乃委之於象數愴恍之中刊本愴訛懂今改

周易指要刊本要訛問據宋史改

學易補過宋史趙善湘封天水郡公淳祐二年帝手詔
求所解春秋進觀文殿學士刊本二訛五據宋史改
又所著有周易說約八卷中庸說約一卷據宋史
說約並作說此誤 又孟子解十四卷案宋史卷下
有老子解十卷此脫

卷三十六

稅氏校正周易古經俞琰曰繫辭下傳六刊本辭訛傳

今改

方氏淙山讀周易記實孫自序曰中孚卦言豚魚小過卦言飛鳥說卦皆不言其為何象刊本脫上言字又豚訛遯又君子得輿刊本得訛德今並增改

卷三十七

董氏周易傳義附錄楷自序曰更三聖人而卦爻象辭始備其大要依卜筮以為教刊本複衍筮字今刪又凡例曰朱子用古易次序以彖傳大小象傳文曰各自為卷刊本脫象字據周易增

卷三十九

朱氏三易備遺林干之序曰首艮之秘固已具於所成
終始萬物之兩言刊本終訛始據經文改

葛寅炎序曰使天不生朱君於皇風既邈之後黃帝之
道將無傳焉刊本脫朱君二字據上下文增 又坤

乾之道已得之宋矣刊本坤乾二字互倒據禮記改

卷四十

大易會要俞琰自序曰予自德祐後集諸儒之說為卷
一百三十刊本三訛二據本書標題改

周易發例赤城新志超然與車玉峯往來金華王魯齋
之門刊本門訛間今改

卷四十一

周易圖陳宏緒跋曰先天圖左右配列森然不紊而寓
循環無端之妙刊本環訛還今改

卷四十二

劉氏讀易備忘名臣事略劉文獻公國初應召刊本召
訛名今改

卷四十三

中天述考滌孫進中天圖表曰宜有圖書以昭法象刊
本昭訛照今改 又華山陳搏傳至邵雍所謂有極
圖者有二氣消長為乾坤之限者也案皇極經世書
無有極圖疑係先天圖之訛 又迺若天宮布左地
宮布右刊本上宮訛公今改

程氏周易啟蒙輯錄許瑤狀曰先生斟酌羣言以一其
歸刊本以一二字互倒今改

卷四十四

何氏易類象程鉅夫後序曰吾友吳幼清曾取炭燼畫

卦於案此卦通又減之畫他卦刊本缺第二卦字據
下句補

卷四十五

周易尚占保八進太子箋曰凡蠡測管窺以探精義皆
銖積寸累以用深功刊本寸訛月令改

卷四十六

任氏中易士林自序曰原始而反終其幾神矣刊本反
訛及據經文改

熊氏周易本義集成陳櫟序曰其有關於世教民彝為

甚大刊本為訛而今改

魯氏周易注浙江通志魯真邃於易學躬行實踐刊本
脫於易學三字據浙江通志增

卷四十七

黃氏周易通義一齋書目有刊本脫書字據下卷增

石氏周易演說王禕序曰君在異時嘗舉鄉貢進士刊
本嘗訛常今改

錢氏周易圖說義方自序曰自漢孟喜本易緯稽覽圖
推易離坎震兌各注一方刊本主訛生據下文改

卷四十八

黃氏春臺易圖黃淵序曰譬如枝頭樹底一一見花活處不止擔頭看賣桃杏刊本擔訛檐令改

卷五十

蔡氏周易蒙引明神宗實錄蔡清飭躬砥行動準古人刊本躬訛功令改

楊氏先天後天圖學考正廉自序曰求黃河而不於崑崙求江漢而不於嶓冢岷山可乎刊本嶓訛嶓據禹貢改

卷五十二

鍾氏學易疑義芳自序曰惟詳也故能窮天下之變而義無勿察刊本義訛差據上下文改

王氏周易億陸元輔曰晁氏以朱子之說為非刊本脫以字今增 又言其多出揣測與先儒不合故曰億刊本億訛臆據本書標題改

張氏辰易經講義刊本缺張氏辰易經五字據下所引太倉州志補

卷五十三

王氏讀易記漸達自序曰易自天道歸究於人事刊本
天訛人令改

方氏周易約說獻夫自序刊本脫自字依前後例增

李氏周易本義直講楊守陳序曰余少嘗學易刊本缺
學字今補

陶氏周易筆意張士絃曰廷奎會稽人官武康學訓導
刊本脫康字據浙江通志增

卷五十四

徐氏周易不我解黃百家曰在乾之姤曰潛龍勿用刊

本妬訛妬今改

卷五十五

姜氏周易傳疑補疑人勿考姜寶歷南京禮部尚書刊
本部訛郡今改

卷五十六

讀易韻考獻翼自序曰女反收之收叶守狩寥三音享
以駢犧犧叶娑翕二音刊本女訛知缺娑字據詩經
及韻書補

卷五十七

馮氏易說時可自序曰其所以寡過在於扶陽抑陰乎
刊本陰陽二字互倒據下文改 又懼以終始其要
無咎心之危也心之易也陰陽爭勝之機也刊本爭
訛貞今改

唐氏周易象義劉曰寧序曰奉常先生者荆川先生子
也刊本常訛嘗案曰文唐鶴徵官太常少卿而唐書
職官志太常亦稱奉常今據改 又殫三絕之力稟
過庭之訓刊本絕訛截今改

卷五十八

鄧氏今易詮陸元輔曰鄧伯羔常州布衣刊本常詔嘗
今改

林氏易外別傳浦大治序曰惟能得吾身之河圖則便
能與太虛同其體刊本河詔何今改

卷六十

孫氏周易明洛義纂述慎行自序曰是用尋夫子之十
翼宗箕子之九疇刊本翼詔易今改

卷六十一

程氏周易演旨刊本旨詔音據下文改

卷六十二

王氏易贊艮自序曰由我說而讀世儒之所謂周易者則見文周之注義孔之兼注三聖也刊本義訛文據下文改

卷六十三

何氏古周易訂詁楷自序曰呂伯恭朱元晦皆以分經合傳為非刊本伯恭二字互倒今改

卷六十四

周氏苑洛先生易學疏一敬自序曰刊本脫自字據前

後例增

秦氏易序圖說嚴福孫序曰先天之用在于復姤刊本
姤垢垢今改

錢氏讀易緒言錢徵之序曰聖人深知夫陽不能敵陰
刊本缺能字今補

卷六十五

王氏周易自得編寅自序曰咸恒既未濟統人事之大
全刊本脫濟字今增 又柔變為剛洪範之所謂剛
克也刊本剛克訛柔克據書經改

圖學辨惑宗炎自序曰秦燭詩書易獨以卜筮得免若有圖亦宜不禁胡為偏逸刊本逸訛遞今改

卷六十七

梁氏周易清本夫漢自序曰案之夫子繫辭則惟文王八卦次序方位二圖與繫辭合刊本次訛方據皇極經世書改

卷六十八

易林說疑以上二部載澹生堂書目刊本脫書字據下卷增

易義六卷得之餘杭孫氏刊本脫之字今增

卷六十九

傅氏同人卦說度正曰傅伯成復濂溪書云蒙竒同人
說改易數字皆人意所不能到刊本脫能到二字今
補

曹學佺曰傅者遂寧人年四十知平羗縣刊本縣訛孫
今改

卷七十

丁氏大衍索隱易東自序曰其說雖異先儒要無牽合

傳會之病刊本會訛言今改

盧氏校正耶律文獻大衍撰著說許衡曰天地東西南
可見人之瞻視亦面與左右可見而背不可見也刊
本面訛可今改

卷七十二

三皇五帝之書賈逵曰三墳三皇之書刊本皇訛王今
改

劉知幾曰周禮曰外史掌三皇五帝之書刊本脫周字
今增

卷七十三

百篇尚書朱子曰盤庚五誥之類實是難曉若要添減字硬說將去儘得刊本脫減字據朱子全書增

薛瑄曰經凡言命言誠多見於書刊本命上脫言字據薛氏讀書錄增

卷七十四

古文尚書漢志古文經四十六卷刊本脫字文據漢書增

隋書孔安國私傳其業於都尉朝朝授膠東庸生生授

胡常案隋書無生授胡常四字經典序錄有之此引
隋書乃從序錄誤

顏師古曰尚書古文經四十六卷為五十七篇孔安國
書序云云案漢志尚書以下十四字係漢書正文孔
安國以下乃師古語此以漢書作顏師古曰又孔安
國上脫顏師古曰俱誤

孔穎達曰舜典一篇至齊蕭鸞建武四年姚方興於大
昕頭得而獻之刊本舛作航蓋沿通考之訛今據經
典序錄改

卷七十五

周書顏師古曰蓋孔子所論百篇之餘今所存者四十
五篇案漢志顏師古作劉向此誤

王應麟四案晉束皙傳太康元年汲郡得竹書七十五
篇刊本元訛二蓋沿房喬修晉書之訛今據杜預左
傳後序及注所引王隱晉書改 又然則繫周書于
汲冢其誤甚矣刊本其訛則甚訛明並據困學紀聞
改

楊慎序曰晉太康二年汲郡人不準私發魏安釐王冢

案晉武紀作魏襄王東晉傳作魏襄王或言安釐王
均與此異 又公孫段二篇刊本二訛上據晉書東
晉傳改

卷七十六

孔氏尚書傳安國序曰所以恢宏至道示人主以軌範
也刊本範訛軌據文經改

彛尊案論語雖有周親不如仁人孫氏注云親而不賢
不忠則誅之管蔡是也仁人謂箕子微子來則用之
於尚書傳則云紂至親雖多不如周家之少仁人案

今本少作多此從宋本其意較長

又案西漢之古文如圉圉升雲半有半無案說文圉字注引尚書曰圉蓋即洪範稽疑之曰繹也又云圉升雲半有半無蓋解圉字義自丁度集韻洪邁容齋隨筆不解說文之讀遂以圉圉升雲半有半無為逸詩之句此書尚仍其誤

卷七十七

書贊顧炎武曰馬融鄭元注古文尚書載於舊唐書刊本舊唐二字互倒今改

荀氏尚書正經後漢書爽字慈明延熹元年舉至孝刊
本元訛九據後漢書改

古文尚書注案隋志無古文二字與此異

陸德明曰時以王肅注堯典頗類孔氏刊本脫堯典二
字據經典序錄增

姚氏舜典孔傳陸明德曰姚方興采馬王之注造孔傳
舜典一篇云於大舩頭買得上之刊本脫上字據經
典序錄增

卷七十八

劉氏尚書義疏唐志三十卷刊本三訛二據舊唐書改
比史劉焯受左傳於廣平郭懋常刊本脫常字據北史
增

孔氏等尚書正義晁公武曰藝文志云穎達與李子雲
等撰朱長才蘓德融等二十四人刊定刊本融訛庸
蓋沿通考之訛今據新唐書改

馮氏尚書廣疏宋志十八卷引崇文總目云偽蜀馮繼
先撰案本卷第四頁有尚書廣疏崇文總目十八卷
雖不著姓氏與此微異而卷數及稱崇文總目皆向

似屬一書兩見

卷七十九

王氏周書音訓宋史王曙字晦叔隋東臯子積之後刊
本脫隋字據宋史增

王氏新經尚書義安石序曰熙寧三年臣安石以尚書
入侍刊本三訛二據通考改

卷八十

林氏尚書集解鄧均曰先生之猶子諱子冲嘗分教盱
江刊本嘗訛常今改

卷八十一

張氏書說葉紹翁曰衣服而至於窮極奢侈釋氏惡之必欲衣壞色之服刊本服訛食今改

羅氏尚書集說楊萬里序略曰如論九疇之說謂天下之物皆五行也刊本疇訛江今改

呂氏書說趙希弁曰自洛誥至秦誓凡一十八篇刊本八訛七據尚書及通考改

卷八十二

許氏尚書講義魏了翁撰碑曰其所裒稭斷藁刊本稭

訛粹今改

卷八十三

趙氏南塘書說宋志二卷案通考作三十卷與此異
滕氏尚書大意方岳序曰予受而讀之刊本受訛授今
改

卷八十四

王氏畫疑柏自序曰元體苟正則訓詁不待費詞刊本
詁訛詁今改

卷八十五

陳氏書解折衷標自述曰予編書解折衷宗朱蔡刊本
解訛傳據標目改

董氏尚書輯錄纂疏刊本疏訛注據通志堂本改

卷八十六

王氏尚書制度圖纂松江府志王文澤家楓涇刊本楓
訛風據松江府志改

卷八十九

歸氏尚書叙錄有光自序曰若班固藝文志有尚書二
十九篇古經十六卷案漢志作古文經四十六卷此

脫

卷九十

鍾氏尚書傳心錄王樵自序曰先生父子自相師承成一家言會通其聲牙難解之語刊本聲訛贅今改

陳氏泰來尚書注考案吳永芳嘉興府志秀水國子生陳泰交字同倩著有尚書注考此作陳泰來互異俞汝言曰陳泰來號長水云云至後引項說又稱同倩與府志合可志此書屬泰交撰其云泰來及所引俞說似訛

卷九十一

范氏壁業姚漸曰范應賓字光父刊本闕光父二字據
秀水縣志補

卷九十三

禹貢論圖宋志五卷通考作禹貢論圖四卷今通志堂
本作一卷彼此互異

禹貢後論陳應行後序曰凡所畫之圖以青為水者今
以黑色與水波別之刊本與訛為志通志堂本改

大昌自序曰積其所見撰次成論凡五十有二篇刊本

二訛一蓋沿通考之訛今據通志堂本改

陳振孫曰凡論五十二篇刊本二訛三今改

卷九十四

朱氏禹貢凡例石自序曰繇言其茂條言其長刊本言其長訛無甚長今改 又叢生而稹曰苞刊本稹訛積據孔穎達疏改 又可治曰又案孔傳謂已治為又與此微異

卷九十五

劉氏洪範五行傳記漢書向遷光祿大夫上方精於詩

書觀古文案宋祁曰浙本觀下有覽字

王嘉曰向校書天祿閣有老人著黃衣植青藜杖扣閣而進案王嘉拾遺記扣作登與此異

張氏洪範解晁公武曰皇朝張景晦之撰刊本撰訛編據通考改

蘓氏洪範圖論晁公武曰是書三論皆援經以範傳刊本缺繫字據通考補

卷九十六

胡氏定正洪範集說一中自序曰啓蒙之疑積有年一

旦渙然冰釋刊本渙訛煥今改

卷九十七

吳氏安詩等無逸講義案通考安詩作安時此從宋史

卷九十八

古詩汪琬曰刪詩之說昉於史遷彛尊案大射之禮公
即席奏肆夏刊本肆訛陔據儀禮大射禮改 又然
則詩何以遷也曰一則秦火之後竹帛無存而口誦
者偶遺亡也刊本口訛目今改

卷九十九

卜子詩序成伯瑜曰毛公作傳之目漢興已亡其六篇
刊本目訛日據毛詩指說改

曹粹中曰羔羊序云云其說起於康成毛無此意也刊
本脫起字今增

鄭樵曰絲衣之詩既曰繹賓尸矣又曰靈星之尸刊本
絲訛綠據詩序改

黃震曰雪山王質夾漈鄭樵皆去序言詩刊本漈訛際
據宋史改

沈鯉曰三家廢而毛詩獨存當其時碩儒名彥具博古

通經之識者豈其乏人刊本具博訛其博 又序首
一句為各詩根柢下文皆申明首句之意刊本明訛
命令改改

卷一百

詩說偽本陳宏緒跋曰泮水閼宮國風安得有此體耶
刊本泮訛泮據詩改

毛氏詩傳李樗曰常棣之詩又曰宴兄弟也刊本常訛
崇據詩改

卷一百一

侯氏包韓詩翼要案隋書經籍志作侯芭此從詩正義
陸氏毛詩草木鳥獸蟲魚疏案隋書經籍志無鳥獸二
字此從經典釋文

卷一百二

徐氏毛詩背隱義隋志宋中散大夫徐廣撰別集類作
太中大夫刊本脫類字據隋書經籍志增

沈氏毛詩義疏彙纂案七錄又有張氏其詮椅云梓實
桐皮曰椅今人云梧桐也刊本云訛之 又其詮鳳
云鳳凰名鸞鸞刊本鸞訛鸞 又其銓魚云鮪魚出

海從河上來今鞏縣東洛度北崖上山腹穴舊說此
穴與江河通刊本說訛有此訛北 又鮪似鱸而色
青黑頭小而尖刊本複衍一頭字 又鯊鰭魚背上
有斑文腹下純青今以飾弓韃步义也刊本义訛文
又鱸身似龍刊本鱸訛鯉並據陸璣疏改

卷一百三

孔氏等毛詩正義崇文總目國朝端拱初國子司業孔
淮等奉詔是正刊本朝訛初據文獻通考改

許氏毛詩纂義舊唐書御史大夫高智周嘗謂人曰凡

欲言詩者必須先讀此書刊本周訛同據舊唐書改
施氏詩說土諱曰劉禹錫與柳八韓十八諸施士丐聽
毛詩刊本十八訛七士訛氏並據韓文考異改

卷一百四

詩譜補闕修序曰柏舟之作乃武公即位之初年當在
宣王之世淇澳美其入相當在平王之時其詩不可
知其早晚其君又當數世之王則皆列于最後刊本
數下脫世字據歐陽修集增

沈氏詩傳揚州府志沈銖以龍圖閣待制知宣州刊本

制訛判據宋史改

卷一百五

李氏毛詩詳解宋志三十六卷案宋史藝文志作四十
六卷文獻通考作三十六卷此云宋志誤

卷一百六

諸辨妄馬端臨曰齊魯韓三家本書已亡譬如其人元
不到官又已身亡無可追對刊本對訛到據文獻通
考改

羅氏詩解楊萬里志墓曰羅价卿擢進士第授迪功郎

刊本脫郎字據宋史增

黃氏詩說葉適序曰公於詩尊序倫紀致忠達敬刊本
達訛遠據文獻通考改

卷一百九

楊氏詩解簡自序曰曾子數子夏曰使西河之民疑女
於夫子刊本民訛上據禮記改

呂氏家塾書記魏了翁後序曰獨寐寤言刊本本

二字互倒 又何人斯之友其心孔艱刊本人斯二
字互倒艱訛難並據詩經改

卷一百八

戴氏續讀詩記刊本記訛紀據書錄解題及文獻通考
改

卷一百九

錢氏白石詩傳宋志二十卷刊本二訛三據宋史及書
錄解題文獻通考改

嚴氏詩緝刊本緝訛輯據宋史改

詩考應麟自序曰新序謂飯之傳母作二字乘舟刊本
脫母字據詩考及新序增

卷一百十

姚氏詩解黃淵序曰夫子絃歌而取三百十有一篇刊
本一訛三令改

纂圖互注毛詩陸元輔曰此書不知何人編輯首之以
毛詩舉要圖二十五日有瞽始作樂圖日絲衣繹賓
尸圖刊本繹訛釋據詩序改

卷一百十一

李氏毛詩句解黃虞稷曰其書取呂氏讀詩記而櫟括
之刊本記訛紀據書錄解題及文獻通考改

卷一百十二

陳氏毛詩集解鳳梧自序曰說詩者四家曰魯齊毛韓
厥後三家之說不傳刊本三訛二今改

卷一百十三

黃氏詩傳通解佐自序曰古有梁騶天子之田也刊本
梁訛良據後漢書注及文選注改

卷一百十四

吳氏毛詩鳥獸草木疏曹學佺序曰通考崇文總目以
為吳太中中庶子烏程令陸璣撰刊本脫令字據文

獻通考及隋經籍志增

卷一百十六

何氏毛詩世本古義曹學佺序曰亦惟據其篇什而詮注之刊本詮訛荃今改

卷一百十七

朱氏讀詩略記黃宗羲曰以蘋蘩蕒藻之菜感士大夫明信之將非興乎刊本菜訛采據左傳改

胡氏詩經胡傳紹曾自序曰不可畏也之作亦可畏也刊本脫作字今增又獲之桎桎之為桎也刊本桎

旌訛旌之據詩改

卷一百十八

毛氏毛詩草木蟲魚疏廣要晉自序曰曰陸璣草木鳥獸蟲魚疏相傳日久刊本璣訛機據隋書經籍志及書錄解題改

朱氏毛詩通義鶴齡自序曰抑觀東萊詩記所載朱氏云云刊本記訛紀據書錄解題改

卷一百二十

周官經鄭樵曰五等之爵九畿之服九州十二壤刊本

壤訛境據周禮大司徒職改

王炎曰武帝不以為善作十論七難以排之案賈公彥周禮正義云林孝存以為武帝知周官末世瀆亂不驗之書故作十論七難以排棄之據此則十論七難林孝存作非武帝作也此所引王炎說蓋節引正義注而誤

陳傳良曰自鄉遂之外甸稍縣都邦國四方一皆聯絡而盡屬之司寇刊本邦訛郡據上文邦國之獄改

又凡王公服飾之用悉領天官而司服司常常典瑞

巾車之屬乃見於春官刊本常訛裳據周禮改

陳汲曰周禮一書有周公之舊章有後來更續者刊本更下衍有字今刪

馬端臨曰上下蓋弊弊焉幾無寧日矣刊本弊弊訛察察又其念慮必足以洞究得失決不至如後世承流宣化者之以苟且從事也刊本脫如字又賒貸之法則周官泉府明言之刊本周訛州並據文獻通考增改

汪克寬曰漢武帝嘗謂周禮為瀆亂不驗之書案書藝

文志儒林傳及諸儒所論周禮六官語俱不載武帝此言以賈公彥周禮正義參之林孝存推帝意如此非武帝有是語也此所引汪克寬說誤

薛瑄曰至如掌察之類吾知其如秋官之文刊本察訛祭據周禮秋官屬改又永嘉王次點又作周官補遺刊本永訛東據王與之周禮訂義叙說改

卷一百二

答周官駁難彛尊案初學記引干氏注周官籩人之職云糗餌者豆未削末而蒸之以棗豆之味今餌鮓也

案此段語義難曉考初學記不載惟高承事物紀原引干寶注糗餌云糗餌者或屑而蒸之與棗豆之味同食相似刊本所引疑有誤

卷一百二十二

林氏周禮講義之奇曰序曰後世昧于禮經之大體刊本禮字訛在昧字上今改

卷一百二十三

胡氏周禮傳銓自序曰考冠義而知弁師之等刊本弁訛棄據周禮改又竊觀大川小川之說生於禮經

三百威儀二千之說刊本禮經訛曲禮據漢書藝文志改

俞氏周官復古編陳深曰宋皇國父以太宰為平公築臺而司城子罕以行朴刊本朴訛方據左傳改

卷一百二十四

王氏周禮訂義成德曰昔之言周禮者鄭康成信為周公致太平之迹刊本致訛成據通志堂周禮訂義序改又陸倕謂為羣經原本刊本倕訛陸據梁書改

卷一百二十五

邱氏周禮全書葵自序曰永嘉王次點又作周官補遺
刊本永訛東據周禮訂義序改

彛尊按碧簇氏刊本哲訛哲據周禮改

卷一百二十六

方氏周禮考次目錄孝儒自序曰司徒以五典施教而
自鄉師以下近於教者止十二屬刊本鄉訛卿據周
禮改

陸元輔曰司冠聽訟必人鈞金束矢刊本鈞訛鈞據周
禮改

桑氏周禮義釋悅自序曰占夢祗祿十二官案自內史至祗祿十十一官而總數云十二官應是上文馮相氏下脫保章氏三字 又邱吉甫因定其官為五十七案上云地官之屬七十有七已刪去二十二而此復云五十七者蓋兼數大司徒小司徒在內 又司諫司救等十三官刪去六十九官案上云七十七官用十三官則所刪者止六十四官此九字應是四字之誤 又吉甫因定其官為六十考注於俞王所刪十九官中進以鷄人等十官刊本九訛八據上文改

又追師夏師案夏師二字周禮無此官今刪 又
諸子節服氏刊本脫子字據周禮改

魏氏周禮沿革傳校自序曰乃言底可續刊本底可二
字互倒據上書改

卷一百二十七

楊氏周官音詁慎自序曰其中多奇字古音蓋劉歆受
學楊雄其訓纂之遺有在於是者案漢書楊雄傳稱
歆子棻受學于雄歆無自受學事此所引楊慎說誤
金氏周禮述注瑤自序曰附會之句悉出摹竊刊本摹

訛模今改

王氏周禮傳應電自序曰久之若有所會通者敬為傳
說刊本說訛話今改

卷一百二十八

徐氏周禮說即登自序曰治教禮政刑事六典分之為
各職刊本脫治字據周禮增

王氏周禮注疏刪翼葉培恕序畧曰昔孔子因諸侯之
去冬官籍作春秋以輔之案三家春秋俱無此說

卷一百二十九

周氏考工記評郭正域序曰至於工執藝事以諫則規
萬之中尚有典型刊本萬訛萬據考工記改

卷一百三十

儀禮賈公彥曰士相見為第三刊本脫士字據儀禮疏
增

熊朋來曰其有記者十有三篇刊本上有字訛所又
喪服之記與大傳中數相似刊本記訛傳案此論記
文非指子夏傳也今並改

卷一百三十一

鄭氏儀禮注晁公武曰為末則輕者在前故儀禮先冠
昏後喪祭刊本脫禮字據邵齋讀書志增

卷一百三十二

朱子儀禮經傳通解彝尊案朱子儀禮經傳解通三曰
學禮禮樂義第二十五刊本義訛記據朱子儀禮經
傳通解改

黃氏續儀禮經傳通解楊復序曰如建國遷都巡狩師
田行役刊本役訛疫據續儀禮經傳通解序改

張處序曰點勘之功楊復為多助以王鎮圭童居欽刊

本居訛君據續儀禮經傳通解序改

楊氏儀禮圖曾榮曰次之以宗廟次之以百神又次之以祭物次之以祭統案續儀禮經傳通解篇次百神在宗廟上祭統在祭物上所引曾榮說誤

卷一百三十三

吳氏儀禮逸經程敏政跋曰大司寇何公廷秀亦思見此書與予約互訪必得為期刊本互訛護今改

焦竑曰后蒼從高堂講業刊本脫高字今增

卷一百三十四

何氏儀禮叙錄喬新自序曰自高堂生所傳及唐石經
皆如此刊本堂訛唐今改

卷一百三十六

庾氏喪服要記七錄三十一卷案隋書經籍志於衛瓘
喪服儀下云梁有喪服三十一卷庾蔚之撰又賀循
喪服要記下云梁有喪服要記庾蔚之注及舊唐書
經籍志云喪服要紀十卷賀循撰庾蔚之注合二志
考之則七錄所謂喪服三十一卷庾蔚之撰者乃別
一書非庾所注之要記也此以二書合為一誤

卷一百三十七

戴氏治親書虞集序曰聖人南面而聽天下所且先者
五刊本且訛宜據禮記改

卷一百三十八

戴氏禮訛史繩祖曰其公符篇載成王冠祝雍曰陛下
離顯先帝之光耀云云案續禮儀志劉昭注引博物
記自此句至下與天無極係孝昭帝冠詞故大戴記
與天無極下有孝昭冠詞四字蓋文在前而目在後
耳此所引史繩祖說以為成王冠詞蓋誤讀連上

陳振孫曰大戴之書所存當四十三而於中又闕四篇
刊本脫四字二字據書錄解題增

熊朋來曰大戴中間乃有兩篇七十三案大戴體內複
出篇目前引晁公武說以為第七十四陳振孫說以
為第七十二此所引及後黃佐說俱以為第七十三
蓋各人所據本異 又步中采茨刊本步訛場據大
戴禮保傅篇改 又鄭康成雖改正於大戴之注而
玉藻周禮之文鄭氏未及改案北周書盧辯傳大戴
禮係辯所注內猶有引駁鄭康成說處此以為康成

注誤

鄭元祐曰若夫取舍保傳等篇雖見於賈誼政事書案
大戴記無取舍篇取舍之說見禮察篇內此蓋引用
紹興書目序而誤 又若公符武王祝辭而稱陛下
於考古何居案公符所載祝辭乃成王非武王又稱
陛下者乃孝昭帝冠辭非祝成王也此一語二誤

黃佐大戴禮中間第四十三四十四四十五第六十
一四篇復闕刊本脫四十三四十四六字據大戴禮
篇目增 又第七十三一篇複出刊本脫一篇複出

四字據大戴禮篇目及上所引熊朋來說增

周氏西麓涉筆曰大戴公冠篇載漢昭帝冠辭及郊天祀地迎日三辭有史佚祭公風味刊本祭訛余據文獻通考改

陸元輔曰大戴禮哀公問於孔子第四十一自章首至然後能以其能教百姓家語問禮篇有之刊本章訛童今改 又勸學第六十四自首至豈有不聞哉刊本聞訛至據大戴禮勸學篇改 又盛德第六十六刊本第訛篇據大戴禮目改

卷一百三十九

戴氏禮記晁公武曰河間獻王集而上之劉向校定二百五十篇案隋書經籍志作二百十四篇以漢志考之當為二百十五篇疑此所引晁公武說原作十五篇而傳寫訛為五十篇檢文獻通考亦與此同姑仍其舊

郝敬曰小國二卿皆命於其君刊本二訛三據王制改又郊之祭大報天而主日配以月刊本訛作以月配據郊特牲改又禋祀祀昊天上帝刊本脫一祀

字 又實柴祀日月星辰刊本祀訛祭 又以蒼璧
禮天刊本禮訛記並據周禮改 又是地牲又用黑
不用騂也刊本又訛之令改 又大夫祭以索牛刊
本索訛牽據曲禮改 又魏文侯端冕聽古樂刊本
古樂訛鼓瑟據樂記改 又夫人用副禕刊本禕訛
幘據祭義改 又牝用桑刊本牝訛杞下牝用棘句
同並據雜記改 又周禮射人云刊本射人訛司射
據周禮改

卷一百四十

范氏禮記音陸德明曰宣濟陽人東晉員外郎案經典
釋文序錄郎曰有不就二字冊府元龜儒學類引此
作徵員外郎不就蓋經典釋文脫徵字而此書並不
就二字去之失其實矣

庾氏禮記畧解錄德明曰蔚之字季隨刊本闕季字經
典釋文亦闕據冊府元龜學校類注釋門補

孔氏禮記正義穎達自序曰俱以所見各記舊聞刊本
俱訛是聞訛門蓋沿注疏本之誤今據校宋本禮記
正義序改又南人有賀循賀瑒庾蔚崔靈恩沈重

宜皇甫侃等案庾蔚下釋文序錄及隋唐志俱有之
字此脫又沈重宣衛湜禮記集說引此作沈重范宣
皇甫侃多一范字王應麟玉海引此作沈重皇侃無
宣字甫字俱與此異此書蓋仍注疏本之舊 又熊
安生等刊本脫本字蓋沿注疏本之誤今據晁公武
讀書志及衛湜禮記集說王應麟玉海引此序增
又故叙其意義列之云爾刊本叙訛取據注疏本禮
記正義序改

元氏類禮義疏唐志五十卷刊本五十下衍五字據唐

書藝文志刪

成氏禮記外傳晁公武曰劉素明序張紉倫注案晁公武讀書志及文獻通考俱作劉明素此蓋仍王應麟玉海之訛

卷一百四十一

張子禮記說魏了翁序曰先生教人必以禮為先若有問焉則告之以知禮成姓之道刊本問訛聞今改

呂氏芸閣禮記解通考十卷案讀書志作四卷文獻通考及書錄解題作十六卷此云十卷蓋據衛湜禮記

集說王應麟玉海之數

陳振孫曰案館閣書目作一卷止有表記冠昏鄉飲酒射燕聘義喪服四制凡八篇刊本脫飲酒二字據禮記篇目增

卷一百四十二

衛氏禮記集說彙尊案宋有嚴陵喻仲可可中刊本喻訛喻據禮記集說名氏改

卷一百四十三

吳氏禮說纂言魏校序曰世惟周官儀禮僅存刊本惟

訛雖 又學者弗及見古全書而此編尚存庶有格
言刊本格訛恪並據禮記纂言改

張瑄曰禮記出自漢儒曾梓二百四十篇刊本脫十字
又其弟聖又刪為四十六篇刊本六訛三並據南
書經籍志改

卷一百四十四

柯氏曲禮全經類釋尚遷自序曰載聖又取德之書刪
為四十五篇馬融加以王制月令儒行案隋書經籍
志馬融所加乃月令明堂位樂記三篇其王制儒行

二篇小戴記本有柯序誤 又唐魏鄭公讀而疑之
著類禮二十卷刊本類禮二字互倒據唐書藝文志
改 又朱子著學禮十五篇於鄉禮之後刊本上禮
字記記字據朱子儀禮經傳通解改

卷一百四十五

沈氏禮記課兒述注黃居中序曰近代學禮諸家惟黃
氏日抄邱氏摘錄姚氏疑問能破拘攣刊本抄訛錄
今改

卷一百四十六

萬氏學禮質疑黃宗義序曰無徒與衆說爭長於黃池則所以救浙學之弊其在此夫刊本脫浙學之三字據學禮質疑序及黃宗義南雷文案改

卷一百四十七

王氏踐作篇集解應麟後序曰武王銘十有七章蔡邕以為十八章刊本章訛篇據王應麟踐作篇集解後序改

李氏明堂制度論一篇佚案李諡見魏書逸士傳此篇文全載無缺此云佚蓋未之詳考

李氏投壺譜楊大寬序曰再拜而具三辭之禮刊本具訛其今改

卷一百四十八

楊氏檀弓叢訓張舍序畧曰楊子用修手錄宋疊山謝氏點勘檀弓為叢訓刊本脫錄字據檀弓叢訓序增

卷一百四十九

蔡氏月令章句邕自述曰予朔方死亡無日過被學者聞家就而考之刊本脫被字據蔡中郎集增

唐明皇御刊定禮記月令彙纂案林甫改本其叙節氣

云正月昏昴中曉心中刊本心訛壁 又四月之節
日在昴刊本昴訛卯 又五月之節日在參刊本參
訛畢 又曉危中刊本危訛奎並據唐石經改 又
乃更定節候顧以天氣上騰地氣下降為一候案李
林甫所改月令如序驚蟄於雨水之後與夏小正正
月啟蟄左傳啟蟄而郊之說不合序清明於穀雨之
前與三統歷大梁初胃七度穀雨中昴八度清明之
說不合每月節氣中氣俱分三候與月令淮南時則
訓不合然皆本之逸周書易通卦驗四分歷諸書非

林甫臆勑此以其用逸周書語為弄麤杖杜之故智
失其平矣

馮氏月令廣義二十四卷刊本脫二十四三字據本書
增

卷一百五十

表記集傳道周官序曰自魯論二十篇而外未有明著
於此者也刊本魯論訛齊書今改

舒氏深衣圖說謝鐸曰岳祥寶祐進士刊本祐訛祐據
宋史改

卷一百五十七

董氏大學記景星曰此謂知本一句不但非衍文正是
釋格物二字刊本不但非訛非但今改

車氏大學沿革論王柏曰車君書言致知格物傳未嘗
亡刊本亡訛忘今改

卷一百五十八

邱氏大學衍義補濬自序曰為人君而不知大學無以
清出治之源為人臣而不知大學無以盡正君之法
刊本脫無以清出治二句據大學衍義序補

卷一百六十一

沈氏大學古本說義曙自述曰吾輩讀古人書安能如矮人觀場刊本如訛知今改

卷十百六十三

劉氏獻之三禮大義案下云隋志四卷不著姓名而此以屬劉獻之蓋此據魏書儒林傳說

聶氏三禮圖集注晁公武曰此書不以世代遷改有所抑揚刊本世訛近據文獻通考改

宋史崇義以儀禮有羊鑊承鑊之文乃云畫釜不如畫

鑊刊本承訛家據儀禮及宋史改

楊氏補正三禮圖杰自序曰寶貨物用得而利刊本而訛其據上下文改

卷一百六十四

吳氏三禮考注羅倫序曰儀禮傳十篇今增者五篇刊本脫禮字據儀禮逸經傳改

卷一百六十五

貢氏三禮纂注汝成自序儀禮注曰其幸存而止此者猶足以仰窺先王盛德之一二刊本王訛生今改

又案漢藝文志云經十七篇刊本脫志字據漢書增
卷一百六十六

唐氏禮編伯元自序曰故上編冠昏喪祭俗謂四禮刊
本脫昏字今增

卷一百六十七

樂經沈懋孝曰昔者仲尼正樂其時六代元音具在刊
本元訛完今改

卷一百六十八

春秋古經王觀國曰因興以立功就敗以成罰刊本罰

訛物 又邱明恐弟子各安其意以失其真刊本脫以失其真四字並據漢書改增

馬端臨曰以當時口耳所傳者各自為傳又其意之所欲增益者攙入之刊本益訛入據文獻通考改

卷一百六十九

左邱子春秋傳劉知幾曰或傳無而經有或經闕而傳存刊本存訛詳 又用使善惡畢彰刊本畢訛必又杜預申以注釋于寶籍為師範刊本師範訛晉紀並據史通改

晁說之曰左氏之失專而縱刊本失訛說據困學紀聞改

朱子曰至唐柳宗元始斥外傳為誣淫刊本誣淫二字互倒據柳集改

卷一百七十

公羊氏春秋傳儒林傳於是上因尊公羊家詔太子受公羊春秋刊本脫公羊春秋四字據漢書改

穀梁氏春秋傳儒林傳上善穀梁說擢千秋為諫大夫刊本諫下衍議字考後漢書百官志注武帝置諫大

夫世祖以為諫議大夫今據刪

虞氏春秋微傳史記虞卿不得意乃著書刊本意記已
據史記改

卷一百七十一

董子春秋繁露程大昌曰牛亨問崔豹晃旒以繁露者
何刊本亨作享蓋沿文獻通考文誤據古今注改
又漢魏間人所為文有名連珠者刊本有名二字互
倒據春秋繁露改

莊氏春秋左氏圖刊本莊作嚴據公羊疏改

石渠春秋議奏漢書甘露元年蕭望之等平公穀同異
時公羊有宋顯許廣等刊本廣訛慶據漢書改

何氏春秋公羊解詁後漢書何休坐廢錮迺作春秋公
羊解詁刊本脫公羊二字據後漢書改

春秋左氏膏肓陳振孫曰館閣書目闕第七篇今本亦
正闕宣公而於第六卷分文十六年以後為第七卷
當并合之刊本脫之字據書錄解題增

春秋漢議隋志十三卷刊本三訛二據隋書改

應氏春秋斷獄後漢書應劭汝南南頓人刊本頓訛穎

據後漢書改

穎氏春秋釋例孔穎達曰穎子嚴注春秋秋名為一家之學刊本脫之學二字據左傳疏增

李氏左氏指歸華陽國志李譔字欽仲刊本欽仲二字互倒蓋沿釋文序錄之訛今據華陽國志及三國志改

卷一百七十三

春秋公陽傳注吳志固字子正刊本志訛錄據三國志改

杜氏春秋左氏經傳集解預自序曰其微顯闡幽裁成
義類者皆據舊例而發義刊本據訛處據注疏本改
左傳後序太康元年三月吳寇始平案晉書武帝紀作
咸寧五年束皙傳荀勗穆天子傳序傳暢晉諸公讚
太公廟碑東觀餘論廣川書跋金石錄中興書目書
史作太康二年書咸有一德正義作太康八年文獻
通考作太康六年俱與此異王隱晉書皙傳房喬
晉書律志衛恒傳隋書經籍志及淮海題跋並作太
康元年又與此序同蓋傳聞互異 又殷仲壬即位

居亳命卿士伊尹刊本命訛其蓋沿注疏之誤今據
竹書紀年改

陸德明曰舊夫子之經與邱明之傳各卷刊本卷訛異
據釋文改

春秋經傳長厯預自序曰得其精微以合天道刊本脫
以字據後漢書注增

卷一百七十四

左氏牒例晉書劉寔尤精三傳辨正公羊刊本脫辨字
據晉書增

汜氏春秋釋疑晉書汜毓不蓄門人時有好古慕德者
諸詢亦傾懷開誘以三隅示之刊本三記一據晉書
改

春秋公羊傳集解晉書孔衍出為廣陸郡刊本郡訛相
據晉書改

范氏春秋穀梁傳集解甯自序曰聖人作訓紀成敗欲
人君戒慎厥行增修德政刊本德政訛厥德據注疏
改 又公羊以祭仲廢君為行權刊本祭訛蔡據經
文改 又左氏艷而富其失也巫刊本巫訛誣據注

疏改

楊士勛曰魏晉以來注穀梁者刊本穀梁訛公穀據穀
梁疏改

卷一百七十五

劉氏春秋大意梁書劉之遴傳昔在弱年久經研味刊
久作乃蓋仍梁書之訛今據南史改

沈氏春秋左氏經傳義畧南史文阿所撰春秋禮記孝
經論語義記七十餘卷刊本脫記字據南史增

劉氏春秋三傳略例北史六藝之文雖不悉注所標宗

旨頗異舊義刊本標記撰據北史改

春秋序義北史樂遜字遵賢刊本遵訛尊據北史改

卷一百七十六

唐章懷太子賢春秋要錄案舊唐志作春官要錄此從
新志但兩唐書俱編入丙部儒家類不入甲部春秋
當以作春官者為正此收入春秋蓋承玉海之誤

孔氏等春秋正義穎達序曰若夫始之目刊本本五訛
三 又使後之學者刊本使訛言並據注疏改

春秋統例刊本統例二字互倒蓋沿新唐書儒學傳之

誤今據啖助自序陸淳自述改

陸氏集注春秋柳宗元作墓表曰學者窮志盡氣左視
右顧莫得其本刊本其訛而據柳集改

崇文總目陸淳條別三家以朱墨記其勝否刊本記訛
紀據通考改

晁公武曰趙匡字伯循刊本循訛修考漢志亦誤今據
唐書啖助傳改

陳振孫曰啖助明春秋傳洋州刺史河東趙匡伯循刊
本循訛淳蓋沿通考之誤今據唐書改 又撮其綱

目為統例刊本例字訛置綱字下蓋沿通考之誤今據書錄解題改

袁桷後序曰唐志集注二十卷刊本二訛三據舊唐書儒學傳新唐書藝文志改

卷一百七十七

殷氏公羊春秋注韓子答書曰今令序注書書惠出非望刊本注訛著據昌黎集改

施氏春秋傳新唐書宰相李石因言士丐春秋可讀帝曰學者如浚井得美水而已何必勞苦旁求然後為

得耶訛本何訛不據新唐書改

高氏春秋纂要新唐書文宗好左氏春秋命高重分諸國各為書別名經傳要畧刊本要畧二字互倒據新唐書藝文志改

李氏春秋指掌李燾曰本朝王堯臣崇文總目及李淑圖書志皆以先儒異同規過序例等篇為瑾筆削蓋誤矣刊本淑訛倣蓋沿通考之誤今據讀書志及書錄解題改

成氏穀梁總例刊本穀梁訛公穀據唐書改

